

No. 915

受菩提心戒仪一卷

开府仪同三司特进试鸿胪卿肃国公食邑三千户赐紫赠司空谥
大鉴正号大广智大兴善寺三藏沙门不空奉 诏译

弟子某甲等	稽首归命礼
遍虚空法界	十方诸如来
瑜伽总持教	诸大菩萨众
及礼菩提心	能满福智聚
令得无上觉	是故稽首礼

礼佛真言曰。

唵萨嚩怛他孃多(引)跛娜满那喃迦嚩弥

次应运心供养。

弟子某甲等	十方一切刹
所有诸供养	花鬘灯涂香
饮食幢旛盖	诚心我奉献
诸佛大菩萨	及诸贤圣等
我今至心礼	

普供养虚空藏真言曰。

唵誝誝曩(引)三婆嚩嚩日啰(二合)斛

次应忏悔。

弟子某甲等	今对一切佛
诸大菩萨众	自从过去世

无始流转中
愚迷真如性
贪瞋痴不善
及以随烦恼
及余罪愆等
侵夺三宝物
无量无边劫
自作教他作
复依胜义谛
圣慧眼观察
彼皆无所得
虚妄不实故
平等如虚空
誓不敢覆藏
永断不复作
终更不违犯
一切菩萨众
令我罪障灭

乃至于今日
起虚妄分别
三业诸烦恼
违犯他胜罪
毁谤佛法僧
广作无间罪
不可忆知数
见闻及随喜
真实微妙理
前后中三际
自心造分别
以为慧方便
我悉皆忏悔
从今忏已后
乃至成正觉
唯愿十方佛
哀愍加护我
是故至心礼

忏悔灭罪真言曰。

唵萨嚩跛波捺贺(引)曩嚩日啰(二合)野(引)娑嚩(二合引)贺(引)

次当受三归依。

弟子某甲等
归依诸如来
归依金刚乘
归依不退转
归依三宝竟
自利邪见道

从今日以往
五智三身佛
自性真如法
大悲菩萨僧
终不更归依
我今至心礼

三归依真言曰。

唵步(引)欠

次应受菩提心戒。

弟子某甲等	一切佛菩萨
从今日以往	乃至成正觉
誓发菩提心	

有情无边誓愿度 福智无边誓愿集。

佛法无边誓愿学 如来无边誓愿事。

无上菩提誓愿成。

今所发觉心	远离诸性相
蕴界及处等	能取所取执
诸法悉无我	平等如虚空
自心本不生	空性圆寂故
如诸佛菩萨	发大菩提心
我今如是发	是故至心礼

次诵受菩提心戒真言曰。

唵冒地啣多母怛波(二合)那野(引)弥

最上乘教受发菩提心戒忏悔文

弟子某甲等。归命十方一切诸佛诸大菩萨大菩提心为大导师。能令我等离诸恶趣。能示人天入大涅槃。是故我今至心顶礼。

弟子某甲等。十方世界所有一切最胜上妙。香花旛盖种种供养。奉献一切诸佛菩萨。至心顶礼。

弟子某甲等。自从过去无始已来。乃至今日。贪瞋痴等种种烦恼。及忿恨等诸随烦恼。恼乱身心。广作一切身业不善杀盗邪淫。口业不善妄言绮语恶口两舌。意业不善贪瞋邪见。种种烦恼。无始相续缠染其心。令身口意造罪无量。或杀父母杀阿罗汉。出佛身血破和合僧。毁谤三宝打缚众生。破斋破戒饮酒食肉。及食五辛。如是等罪无量无边。不可忆知。今日诚心发露忏悔。一忏已后。永断相续更不敢造。唯愿十方一切诸佛诸大菩萨。加持护念。能令我等罪障销灭。

弟子某甲等。自从今身乃至当坐菩提道场。于其中间。归依如来无上三身。归依方广大乘法藏。归依一切不退菩萨僧。归依佛竟。归依法竟。归依僧竟。从今已后更不归依二乘外道。唯愿十方一切诸佛。证知我等。至心顶礼。

弟子某甲等。始从今身。乃至当坐菩提道场。于其中间。誓发无上菩提心。

众生无边誓愿度 福智无边誓愿集
法门无边誓愿学 如来无边誓愿事
无上菩提誓愿成

今所发心。复当远离我法二相。显明本觉。真如平等镜智现前。得善巧智。具足圆满普贤之心。唯愿十方一切诸佛诸大菩萨证知我等。至心顶礼。

南无东方阿閼佛 南无南方宝生佛 南无西方阿弥陀佛 南无北方不空成就佛
南无清净法身毘卢遮那佛

受菩提心戒仪一卷

【经文信息】大正藏第 18 册 No. 0915 受菩提心戒仪

【版本记录】CBETA 电子佛典 Rev. 1.9 (Big5), 完成日期:

2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】
